

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

Foru Gobernu Kontseiluaren 699/2020 Erabakia, abenduaren 29koa. Onestea Arabako Foru Aldundiaren Administrazio Orokorreko karrerako funtzionarioentzat gordetako lanpostuen zerrenda aldatzea

Urriaren 30eko 5/2015 Legegintzako Errege Dekretuak, zeinak onesten baitu Enplegatu Publikoaren Oinarrizko Estatutuaren apirilaren 12ko 7/2007 Legearen testu bateratua, 74. artikuluan dio administrazio publikoek beren antolaketa lanpostu zerrenden edo antzeko antolamendu tresnen bidez egituratuko dutela.

Euskal Funtzio Publikoaren 6/1989 Legeak honela dio zioen adierazpenean: "Legeak sistemaren egituraketak oinarri duen muintzat jartzen ditu lanpostu zerrendak, administrazio karrerako funtsezko elementu, lansari sistemaren ardatzik garrantzizkoen eta, batez ere, administrazio egiturak arrazoibidetzeko eragile bilakatuz. Lanpostuak eratzeko erabili behar diren funtsezko irizpideak eta prozedura bideak ezartzen ditu legeak, baina lanpostu zerrenda horiek erakundearen beharren benetako adierazpide izan behar dute beti eta horretan datza horien indarra. Ondorioz, lanpostu zerrenda horiek izaera dinamikoa dute eta horrek administrazio publikoaren helburuak betetzeak eskatzen duen etengabeko egokitze prozesuari jarraitu beharra dakar, beharrak aldatuz baitoaz".

Antolamendu egituren, eskumenen eta lanpostuei esleitutako eginkizunen berezko eboluzioak beharrezko egiten du lanpostu zerrenda behar bezala moldatzea eta aldatzea eta, ondorioz, lanpostu bakoitzean jarduteko gaitasunak eta betekizunak ere bai.

Lanpostuak sortzeko ahalmena ematen duen aurrekontu gaitzeari dagokionez, kontuan hartu behar da zer xedatzen duen Lurralde Historikoaren 2020rako Aurrekontua gauzatzeko abenduaren 17ko 24/2019 Foru Arauak 24.2, 24.3, 24.4 eta 24.5 artikuluan langile kudeaketari buruz:

"2020ko ekitaldian, lanpostuen zerrenda aldatzeko espedienteak honako kasu hauetan besterik ez dira onetsiko: ez da gastu gehikuntzarik sortu beharko, edo sortuz gero, kasuan kasuko gehikuntza bestelako lanpostuetarako kredituak murriztuz konpentsatu beharko da eta aurretik Ogasun, Finantza eta Aurrekontu Sailaren aldeko txostena beharko da.

Foru sektore publikoko erakundeen aurrekontu plantillaren muga erakunde horietako langile funtzionario eta lan kontratudun langile finkoen plazen guztirako agregatuari dagokio.

Gainera, foru arau horrek xedatzen duenez, "aurreko mugak ez du eraginik izango epai-learen aginduz edo eskumen berriak eskuratzearen ondorioz edo kanporatutako edo azpikontratutako zerbitzuen zuzeneko kudeaketa hartzearen ondorioz sortzen edo aldatzen diren lanpostuetan. Era berean, ez da aplikatuko foru sektore publikoan aurretik harreman finkoa eta mugagabea duen langile funtzionarioa edo lan kontratuduna kontratatzen denean, ez egiturako lanpostuak edo plazak finkatzen direnean, ez eta foru arauak aldarrikatzen direnean, ez Gobernu Kontseiluak abagunekoak ez diren planak, programak eta jarduketak garrantzitsuak onartzen dituen ere, behar den moduko finantzaketarik eduki ezean, funtzio publikoaren arloan eskumena duen organoak aldeko txostena eman ondoren (txostenak adierazi behar du ez dagoela lanpostu atxikipen ez langile esleipen berririk egiterik eta ezinezkoa dela langileak arrazionalizatzeko eta antolatzeke bestelako neurririk aplikatzea)".

Halaber, artikuluko honetako 2. apartatuko muga ez da aplikatuko honako hauek sortzean: sei plaza Arabako Foru Aldundiko Administrazio Orokorrean –horietako bosten helburua da egiturazko plazak edo lanpostuak betetzea...”

Sail desberdinetako egiturazko beharrianen bilakaera ikusirik, egiaztatu da egokia dela zenbait programa finkatzea, zeintzuen eginkizunak egiturazkoak baitira eta ezin izan baituzte bete plantillako gainerakoek. Horregatik, beharrezkoa da lanpostu zerrenda aldatzea, haien eginkizunei jarraitasuna emateko honako lanpostu hauek sortzeko Demografia Erronkaren Zuzendaritzari atxikita (15.2):

Lehenik eta behin, toki erakundeetako ekonomia azterlanetako teknikariaren dotazio berri bat sortzen da, 1141.005 lanpostu kodearekin. Bigarrenik, toki administrazioari administrariaren dotazio berri bat sortu da, 2010.004 kodearekin. I. eranskinean zehazten dira lanpostu bakoitzaren ezaugarriak.

Alegazio izapidea bete da eta negoziazioa gauzatu da sindikatuetakoa ordezkariarekin, honako arau hauetan xedatutakoaren arabera: urriaren 30eko 5/2015 Legegintzako Errege Dekretua, zeinak onesten baitu enplegatu publikoaren oinarrizko estatutuaren legearen testu bategina, eta Eusko Jaurlaritzaren apirilaren 15eko 86/1997 Dekretua, zeinak arautzen baitu Euskal Autonomia Erkidegoko administrazio publikoetan euskararen erabilera normalizatzeko prozesua.

Aginduzko txostenak ikusita eta haiek direla bide, Arabako diputatu nagusiak proposatuta, eta kontuan edukita Euskal Funtzio Publikoaren uztailaren 6ko 6/1989 Legeak 6.1.e) artikuluan ezartzen duena, Arabako Foru Aldundiaren Sailak zehazten dituen Diputatu Nagusiaren uztailaren 5eko 324/2019 Foru Dekretuak ezartzen duena, Funtzio Publikoaren Eskumenak ezartzen dituen Diputatuen Kontseiluaren uztailaren 30eko 154/1993 Foru Dekretuak ezartzen duena, eta funtzio publikoan eskumena duen sailaren egitura organiko eta funtzionala onesten duen Diputatuen Kontseiluaren otsailaren 9ko 10/2016 Foru Dekretuak ezartzen duena, honako hau:

ERABAKITZEN DUT

Lehenengoa. Onespena ematea Arabako Foru Aldundiko karrerako funtzionarioentzat gordetako lanpostuen zerrenda aldatzeari, ondoren xedatutakoaren arabera:

- I. eranskinean jasotzen diren bi lanpostuak sortzea: toki erakundeetako ekonomia azterlanetako teknikaria (1141.005) eta toki administrazioari administraria (2020.004).

Bigarrena. Erabaki honek Gobernu Kontseiluak onesten duen egunaren hurrengotik aurrera izango ditu ondorioak, ALHAOn argitaratzen den eguna gorabehera.

Hirugarrena. Erabaki honen aurka administrazioarekiko auzi errekurtsioa aurkez daiteke Vitoria-Gasteizko Administrazioarekiko Auzien Epaitegian, agindua argitaratu eta hurrengo egunetik bi hilabete pasatu baino lehen, edo, bestela, berraztertze errekurtsioa ebazpena eman duen erakundearen aurrean, hilabete pasatu baino lehen, uztailaren 13ko 29/1998 Legeak, Administrazioarekiko auzien jurisdikzioa arautzen duenak, 46.1 artikuluan ezartzen duenarekin bat etorriz (horrekin lotuta dago herri Administrazioen Araubide Juridikoaren eta Administrazio Prozedura Erkidearen urriaren 1eko 39/2015 Legearen 123. artikuluan ezartzen dena).

Vitoria-Gasteiz, 2020ko abenduaren 29a

Diputatu nagusia

RAMIRO GONZÁLEZ VICENTE

Bigarren diputatu nagusiordea eta Enplegu, Merkataritza eta Turismo Sustapenaren eta Foru Administrazioaren Saileko foru diputatua

CRISTINA GONZÁLEZ CALVAR

Funtzio Publikoko zuzendaria

ADOLFO LANDER VERA

KODEA	IZENA	MOTA	DELERREG.		BET.	LANPOSTUAN JARDUTEKO BALDINTZAK		ORDAINSARIAK		LANTOKI HERRIA		
			BZT.	EZORD.		ESKALA	IKASKETA	HIZKUNTZA	D.O		BERARIAZKO	
			JARD.	JARD.		ADIM.	TALDEA	AZPIESKALA	TITULUAK		ESKAKIZUNA	EZAGUPENAK
1141.005	TOKI ERAKUNDEETAKO EKONOMIA AZTERLANETAKO TEKNIKARIA	EB B	L	AFA	A 1	211	230	3	200	25	31.806,45	VITORIA-GASTEIZ
2010.004	TOKI ADMINISTRAZIOKO ADMINISTRARIA	EB B	L	AFA	C 1	12	2	17	19.516,35	19.516,35	VITORIA-GASTEIZ
Lanpostu Totala: 2												